

歸司

歸司

郭祖勳署





3 1774 8000 5

悼仙詞序

蓋聞越邦雖滅猶留小妹之墳吳國已亡南有真娘之墓不怪露香才
子過鶴市以吟詩惜玉癡郎至虎林而題句此僕所以爲陳文仙詞史
刻悼仙詞也文仙陳家少女吳郡佳人圓圓本是前身惜惜種種圓志
祇爲雙親有病同返黃泉遂教孤女無依獨居金屋紅顏薄命當時誤
遇鴛娘白玉無瑕平日羞爲雉妓羨牛郎之有福一見心傾喜織女之
多情三生緣訂不料良辰易過好事多磨李師師夢醒青樓關盼盼魂
歸碧落白楊村裏伴柳氏之仙娥青草墳前弔王家之淑女僕才慚王
子桃葉未迎學愧韓郎柳枝難折痛桂英之早死同病相憐恨杜牧之
遲來離羣索處爲真真而繪像百日長呼替灼灼以徵詩千篇不厭是
爲序甲子暮春中浣丹徒楊鴻年秋心撰于吳門悲秋館

爲簑笠神仙弔陳文仙詞史文

丹徒吳清庠振聲

嗚呼奈何徒喚音沈毛女之靈奇癢難搔香冷麻姑之酒朱鳥之窗八面謠書彊廿四文鴛紅羅之帳四垂繞

悼仙詞

M4
12/16
51

悼仙詞

二

枕明白雙仙蝶廊夢響灩碧烟圍柳絮之魂洞圯迷香紅雨飄桃花之淚冉冉桂旗之影公子停鞭哀哀蒿里之歌侍兒奠酒魂其歸來別自悼矣猶憶芙蓉繡上結綰同心荷菱衫邊金捶纏臂清歌妙舞娟娟北里之花濃抹淡妝鼻鼻西湖之柳爐薰寶鴨千絲芸葉之香枕秘神鷄一榻梨花之夢二妙媿江東之麗人倚妝頭五花栽河北之箋詩題屏角方擬萬珠仙露描成蛺蝶之圖何期一夜罡風吹折鴛鴦之翅咽琵琶於江上誰憐白傅飄零委豆蔻於梢頭翻使樊川薄倖一團紈扇枉悲懷袖之吟十斛珍珠空賺人天之淚蓋多情總無情亦言愁始欲愁矣今者一樹枇杷冷落薛濤之宅千條楊柳荒涼蘇小之家坐文君賣酒之墟病添司馬拾仙子淩波之襪涕灑陳思知離恨天中綠參佳果可識銷魂橋畔人立荒台僕本恨人烏能遣此妾偏薄命夫復何言嗚呼玉簫聲咽心傷訪翠之年金谷香埋盼斷墜樓之影綠章夜奏恨東皇不惜春陰紫玉煙銷恨南內空榮秋草祝黃縉以圓夢睡眼雙開攬紅豆以招魂傷心一哭青天碧海當憐此夜之心素縷羅縵怕檢定情之物從此清明寒食獨題真娘墓上之詩那堪苦雨淒風悄對崔氏卷中之影所冀紅綃翠帕路滅鮫珠玉宇瓊樓穩棲鶴馭能爲青鳥願重來翡翠簾前倘入紅塵願毋墮鳳凰簾裏儼除口孽願莫爲啼血之鵲然到心灰願更化離魂之蝶倘說他生可卜願開仁壽之花若知塵世難逢願賜鈞天之夢此日墳題菩薩聊填哭像之詞他時病起維摩再續妝臺之記

余與戚飯牛有一面之緣而飯牛與陳文仙有三生之約今文仙忽焉沒矣飯牛爲之黯然觀其挽文仙之聯弔文仙之詩字字淒涼句句悲惻即可知飯牛爲有情人也雖然人非草木誰能無情當夫落花流水之時皆有芳草美人之句卽以文仙而論豈獨飯牛傷心耶凡與飯牛相識者皆當爲之抱痛也况文仙之紅粉飄零猶吾輩之青衫憔悴多愁易感同病相憐嗚呼恨海誰填自古狂瀾莫挽情天未補從今缺月難圓爰借他人之酒盃以澆自己之塊壘下哭文仙上慰飯牛

丹徒楊鴻年瘦人

紅顏薄命最淒然從此音容隔一天出岫浮雲終不返當空缺月永難圓鴛盟未訂悲前日鸞駕先歸痛少年真個愛卿應惡夢可憐儂欲賦遊仙

回憶前情便惘然而今彼美已歸天斷絃底事難重續破鏡何時得再圓空羨雙星逢七夕相思一日若三年人間尙嘆生離苦死別能無悼謫仙

敬謝飯牛詞兄和余元韻乞人佳章聊寫做懷以答厚意 前人

同病相憐自古然最銷魂是落花天聞君好事多磨折愧我平生幾缺圓紅粉飄零悲去歲青衫憔悴厄今年

悼仙詞

四

人間不乏深情者定有題詩弔謫仙

人逢恨事總淒然最好身登極樂天不許嬌花開卽謝定教明月缺能圓何愁少小無歡日但望團圓在壯年
我欲猖狂發一語鴛鴦豔福勝神仙

下元節偕吳仰蘇世伯登虎阜望獅林欲訪白楊之村以覓文仙之墓百仞山

中難見埋香之跡千人石上遂題訪豔之詩

前人

獨上高山思悄然可憐人隔九重天白楊村裏塗難覓青草墳前夢不圓莫笑松泉嘗此日定教麥飯奠明年
阿儂當與牛郎約虎阜同登弔謫仙

題詩弔豔最淒然枉想嬌皇補缺天但恨埋香容易散誰知待月總難圓眞娘墓已遊三次西子亭曾別五年
不覓鴛鴦同葬處癡心專爲訪文仙

余弔陳文仙詞史之詩蒙戚君飯牛嚴君餽鶴唐君蝶癡王君冠蘭徐君仲颺
皆有和章奈五君之外則一首不見矣豈皆未達到耶抑專待彙刊耶自問素
心憐才若命誰加青眼弔豔題詩再填前韻原爲引玉拋磚敬待新詞敢讀青

雲白雪

前人

有情人總淚潸然底事楊枝別樂天日照藍田碧玉碎月移滄海妬珠圓難彈錦瑟懷前度偶弄瓊簫憶少年
誰和東坡悼亡句朝雲也要感詩仙

怕見當空日黯然可憐時異豔陽天杜鵑空自春啼破胡蝶安能曉夢圓別雨離風無限感落花流水不成年
劉郎惟恨蓬山遠難到蓬山會謫仙

又弔文仙詞史

前人

香消燭滅火難然正是烏啼月落天卿若有靈魂必返我偏無意夢能圓今升碧落三千界昔墮青樓十七年
恨煞東坡真薄命朝雲早已去成仙

花落春歸風颯然綠章空自奏蒼天長埋黃土香終散已別紅塵影不圓瓠爵回思生古代玉簪重遇待何年
可憐從此音容隔魄降魂升難覓仙

又弔文仙詞史集詞牌名

前人

欲訴衷情先慘然謝秋娘已早歸天憐卿未享清平樂愧我難教人月圓莫說一封書寄日怕聞三棒鼓催年
而今怕上西樓望不見娉婷瑞鶴仙

南柯子去最凄然每望秦川欲怨天恨後庭花眞盡落悲西江月永難圓心癡祇爲思佳客腸斷惟知憶少年

悼仙詞

六

寄語阮郎歸必早過時不遇鵲橋仙

遙望江南思悄然如何已過杏花天垂楊渡口將搖落步月庭中有缺圓事好近時無幾日佳期誤我本多年
傳來消息心應痛子夜歌成弔謫仙

秦樓月落淚潸然烏夜啼時霜滿天蝶戀花中魂不去風棲梧上夢能圓忘憂欲奏清平調解悶偏逢大有年
虞美人今難見面柳梢青日去成仙

又弔文仙詞史集花名

前人

金錢枉費淚潸然欲倩凌霄去問天芍藥煙籠偏易散酴醿香夢不能圓合歡黑夜無多日含笑黃泉已一年
可痛素馨花落盡玉蘭此日去爲仙
未見綉球先慘然瑞香底事早升天頭無茉莉姿難麗面似芙蓉影尙圓錦帶長拋悲去歲玉簪再插待何年
從今那有迎春信握筆題詩弔鳳仙

又弔文仙詞史集紅樓夢人名

前人

絳珠終日淚潸然不遇神瑛欲怨天寶玉無緣容易散香菱有角本難圓長離鵲婢悲今日相伴鶯兒憶昔年
忍棄賈家公子去偏同柳氏作花仙

惟有怡紅思悄然。難同黛玉住情天。方期翡翠衾能抱。豈料鴛鴦夢不圓。三妹傷心皆薄命。一郎無計怎延年。可憐此日含顰女。本是當時警幻仙。

又弔文仙詞史

前人

張生昔日樂陶然。曾見雙文二月天。半夜焚香訴夏仙。三更待月望團圓。爲郎憔悴青春候。愧妾飄零紅粉年。再到蒲東普救寺。西廂那有小遊仙。
枉訂婚姻氣慨然。不成眷屬欲呼天。知郎終抱胸懷痛。淑女長垂血淚圓。聞病通情慚昔日。傳書寄柬憶當年。如何上苑探花客。難覓深宮竊藥仙。

附弔桂英女士用前韻

前人

惜春春去最淒然。怕見花飛絮舞天。無地埋香香已散。有時覓夢夢難圓。王郎薄倖慚今日。殷氏多情憶昔年。寄語飯牛休笑我。桂英命不若文仙。
薄命紅顏自古然。癡心空自問蒼天。紅桃隔裏花無色。青草墳前月不圓。莫說靈丹能返魄。雖求貴藥豈延年。如何難過重陽節。冷雨淒風弔謫仙。

弔文仙詞史

餘姚戚 牧飯牛

悼仙詞

七

悼仙詞

八

朝思暮想兩徒然生死同歸離恨天自古好花難久好從來圓月不長圓憐卿身世八千日厄我功名廿七年
多謝故人詩當哭九秋風雨弔文仙

弔文仙詞史

吳縣嚴寅恭題虎

一度思量一愴然况逢佳節菊花天嬌姿料得秋風妬靈魄空教夜月圓寂寂良宵誰惡夢匆匆流水逝華年
何堪往事重追憶無術還魂欲問仙

紅顏薄命古來然多少浮沉缺陷天夜靜海棠魂不返秋深籬菊夢難圓覺孤鳳隻虛雙愿影滅香消已一年
寄語牛郎同鼓櫓白楊墳上哭文仙

月之二日與飯牛驪權白楊村登陳文仙墓秋草離離斜陽半碣飯牛不哭我
亦不哭各弔以詩檢衽而歸集古齋前韻

前人

閒步秋光思杳然(伍喬)碧松梢外掛青天(杜牧)斜陽古道歸鴉晚(杜光庭)野飯新炊芡玉圓(許棻)芳
草得時依舊長(王安國)黃金無術治流年(宋郊)致身福地何蕭爽(杜甫)名占蓬萊第幾仙(李頻)
此花元屬桂堂仙(蘇軾)花落猿啼又一年(趙嘏)綬室夜眠陰火冷(章孝標)波光秋映玉壺圓(章應物)
雨餘遠岫青凝黛(舒頤)夾道長松翠插天(周廉)流水白隨人影去(吳仲孚)煙空雲散山依然(蘇軾)

嗟乎鴛鴦墳裏葬骨千年蝴蝶夢中思家萬里竊嘆吾人淪落之浮生不及彼
美風流而早死追憶我豔友陳文仙當年春雨天桃看崔護門前之人面此日
秋風野菊唱鮑當墓上之歌章悲不能勝淚難自止爲集詞牌聯成律句三疊
前韻再柬飯牛

前人

相見歡然別黯然謝秋娘病鷓鴣天何當重聽清平樂從此難教八月圓一點絳唇學嬌態兩雙紅豆數華年
追思多麗青衫濕不遇江南瑞鶴仙

魚水同歡愿杳然惜分飛處九秋天雨淋鈴閣宵無寐雲鎖陽台夢不圓欲訴衷情偏默默自嗟薄倖誤年年
大東去人何在悄上四樓望謫仙

滿城風雨將屆重陽兀坐茜牕悶懷欲絕爰以飯牛輓陳文仙聯詞絕長補短
衍成兩律四疊前均

前人

水流花謝雨茫茫翠袖青衫各一天暮地驚醒香國夢問天無語淚珠圓生成豔骨多招忌死作芳魂不計年
秋雨秋風同讒惜白楊永瘞廣寒仙

游子鍾情欲悵然美人薄命早歸天夢酣蝴蝶三生證碑築鴛鴦一壠圓剪燭抄書問何日停筆勸酒憶當年

悼仙詞

九

悼仙詞

十

回思往事應垂淚誰料文仙識應仙

嗚呼彩雲易碎碧月難圓玻璃魂飛珍珠淚落鴛鴦井上引泉水兮沉沉鸚鵡
櫂前迎春風兮默默我友聾山飯牛系襄城侯襲二等男戚建輝之公子也性
情敬敏惜翠怡紅名字芬芳香憐玉愛碧痕雙袖杭州舊酒之痕翠墨兩行吳
郡新詩之本其所眷文仙詞史亦故家陳翼之裔孫女也嬌小紅顏庵居櫂翠
情牽翠縷夢醒悼紅泣瀟湘雪雁聲乾過蘅蕪金鶯腸斷張友士半囊丸藥圓
信歸真程日興一幅丹青芳容入畫掃花葬玉築碣挑雲春燕秋紋吊可人之
早死夏婆柳嫂哭小姐之平生集紅樓人名五疊前韻

前人

抱琴無語意茫然墨雨名煙薄暮天雕定珍珠風入悄衾寒翡翠夢難圓檀雲忽散綺霞彩鋤藥無功碧月年
嗔惜春纖化不久可人伴鶴竟游仙

窗外鬪哥聲悄然掃花人泣碧痕天身無彩鳳雙飛翼心與寶蟾一樣圓擁綉幃衾悲獨夜送香菱角感流年
繹兒早醒紅樓夢此去飯依蠻幻仙

弔文仙詞史

唐文駿蝶癡

一回思想一潸然秋雨秋風落九大操斷瑟絃歌未續橫來鴛枕夢難圓終朝血淚憑空灑底事紅顏不老年
樓角斜陽人靜處落花流水送文仙

漫說陳人不復然乘鸞衝破夕陽天楊花落地添離恨桂月當空幾缺圓苦向孤墳埋玉樹難生塵世度華年
香魂從此無方覓想是蓬萊去學仙

弔文仙詞史

句容王冠蘭

薄命紅顏自古然紅顏畢竟妬蒼天却憐花好風多虐無奈人亡鏡不圓黃土埋香悲此日青樓訪豔負當年
而今渺渺塵寰隔悵望蟾宮月裏仙

曇花謝世本淒然况值重陽細雨天有意招魂魄不返無心覓夢夢偏圓珠沉玉碎悲今歲軟語柔聲憶昔年
當與牛郎訂後約東風寒食哭文仙

兀坐良宵思惘然擬修短疏乞蒼天但求世上花長好更祝人間月永圓須使有緣成好事莫教無福天華年
玄穹果肯如憫愿雖不爲仙也是仙

弔文仙詞史

武進徐銘言仲颺

恨煞秋風妬少年菊花滿地倍淒然十三樓上悲爭靜廿四橋邊望月圓瘞玉猶留一坏土焚香長祝九重天

悼仙詞

十二

傷心日暮倚修竹不見珊瑚洛浦仙

花落空庭悵寂然教人無計補情天珠沉玉碎歸何處絮語闌言隔一年胡蝶夢醒春已渺杜鵑啼破月難圓紅樓回首柔腸斷含淚揮毫弔謫仙

偏是紅顏不永年脫離塵世學游仙當時繾綣溫柔地此日翻成離恨天弔豔有詩心惻爾招魂無處淚潸然客中賞月增淒慘望斷吳門不再圓

弔文仙詞史

丹徒吳鳳和仰蘇

終朝抑鬱總徒然修短從來定自天黃菊花殘風正惡紅顏命薄鏡難圓憐卿歌舞傷柔質愧我功名厄暮年最是淒涼郊野外教人何處覓真仙
太上忘情本坦然死歸生寄總由天驚驂自此終難合鴛夢從今不再圓玉瘞白楊悲去歲珠沉碧水慟逾年客中秋雨何堪戀勉和新章弔謫仙

弔文仙詞史

吳縣舒誦先

一回思想一淒然從此長居離恨大自古好花容易謝而今破鏡總難圓可憐抱病無多日惟嘆捐軀正妙年
贏得深情諸烈士吟當笑弔文仙

驚聞噩耗已凄然况復相逢九月天
夢屢徵凶弗吉病幾早兆缺難圓
憐卿慧質無長壽畧我傷心不計年
從此陰陽分兩界返魂何處即靈仙

弔文仙詞史集古

古影文輝胡蘊山

菊花村晚雁來天一度思卿一愴然
豔骨已成蘭麝土此花元屬桂堂仙
微波有恨終歸海山月無心也解圓
寧戚飯牛緣底事損君顏色減君年

春人已去冬心不溫逝水東南浮雲西北生
離如此死別可知此吾友戚君飯牛所以有弔陳文仙之作也
文仙爲戚君膩友棗花簾角久願呼卿桃葉渡頭
將歌迎汝何圖妖夢遽兆斷魂戚君之悲有固然矣而戚君之友聞戚君之事
代戚君而分悲者莫不傳戚小語宋玉大言滿目珠璣盈懷瓊瑰蓋君有恨誰
能無恨不妨借酒澆胸而人言愁我亦欲愁聊復長歌當哭

濠溪張振勳蕢英

追憶香塵尙宛然
禡星又返大羅天
曇花一現三生恨
海月千秋幾度圓
鶯約鸞盟虛世世
蘭因絮果誤年年
詩成錦瑟知音少
何處重逢洛浦仙

悼仙詞

悼仙詞

十四

愈思量處愈淒然鍊石終難補滿天紅粉香銷空有恨青樓夢醒不重圓看花看月將雙渡愁雨愁風又一年
酒盡英雄千斛淚長歌酌酒吊文仙

弔陳文仙詞史

升徒吳寶琪嘯月

返魂試把瓣香然吳苑烏啼欲曙天秋老疏籬花獨好夜寒孤枕夢難圓忍看白草眠殘月苦說紅顏不永年
零落淚珠秋雨亂哀詞那許唱留仙

驚回惡夢淚潸然真個形容各一天花落空庭春已了月飛破鏡影難圓香銷燭滅成長恨人去樓空又一年
愁向白楊村上望風風雨雨哭文仙

一番回首一淒然飄墮紅塵十七年已似寒鷗盟水月忽聽酸鴈唳霜天拋殘情淚痕如洗賦出哀詞筆欲仙
黃葉滿庭秋寂寞空看珪月十分圓

西風九月最淒然吹去人間第一仙歌能落花徒惹恨窺來破鏡水難圓藍橋冷落虛前約紅粉飄零又幾年
玉碎珠沈無限感馨魂可許返吳大

弔陳文仙詞史

劉江許 秦仲珊

劈破菱花永不圓花叢回首又經年雙修福慧原難得一樣情痴總黯然棒打鴛鴦悲寄客裙空蛺蝶悵留仙

此心願化鳩皇石，嘔回三吳補恨天。

美人底事作飛仙，命薄如斯倍惘然。香草空餘終古恨，名花偏恨不長年。秋風詩弔無雙品，夜月魂歸第幾天。紅豆拋殘悲欲絕，推窗怕見桂輪圓。

弔陳文仙詞史

前人

一現曇花已渺然，愁人淒絕菊花天。良緣漫卜他生續，綺夢難教此夜圓。未遂藏金嗟薄福，那堪埋玉惜華年。宵來一瓣心香爇，獨坐文窗待謫仙。

情深一往淚瑩然，絮果蘭因欲問天。此日罡風摧太惡，何時缺月許重圓。頻伽戢翼憐同命，鈿盒盟心憶昔年。紙帳如煙燈似豆，夢回猶自嘆文仙。

弔陳文仙詞史

錢塘許承寶伏民

話到相思信惘然，幾回搔首問青天。紅樓銷暈春無蹟，紙帳香銷夢不圓。難遣情懷嗟逝水，屏除絲竹入中年。曇華一現詮空相，方信人間有謫仙。

新詞疊唱小遊仙，玉碎蘭摧悵隔年。倩女離魂憐綽約，姮娥奔月妒團圓。淩波有恨空留枕，鍊石無功枉補天。贏得牽牛數行淚，銀河清淺望淒然。

悼仙詞

十六

弔陳文仙詞史

湖州潘子丹

回思往事總茫然，縷縷香魂返碧天。堪歎雲容易散，漫嗟皓月又難圓。多情楊柳餘長恨，薄命桃花不永年。海內詞人同一哭，紅顏何以劇登仙。

大好因緣思黯然，難藏金屋叩蒼天。青衫翠袖情彌洽，碧落紅塵夢不圓。灑淚頻當舒菊日，離魂剛過破瓜年。美人已醉歡場夢，也學姮娥作上仙。

弔陳文仙詞史

江甯程詠雱

逼讀佳章思悄然，玉樓人去杳何天。彩雲已散應難聚，素月常虧不易圓。過眼曇花嗟逝水，傷心薤露感華年。臨邛道：今何在，碧落黃泉訪謫仙。

死別生離各黯然，無情碧月有情天。筆歌約略音猶在，風景依稀夢莫圓。玉碎香消無奈日，絮飛春減不成年。料應蓬島歸真後，早向瑤臺會衆仙。

弔陳文仙詞史

休甯許雲鶴九皋

蜂愁蝶恨倍凄然，未了姻緣欲問天。紅袖宜人人不見，黑甜尋夢夢難圓。蕭郎顧影憐千載，蘇妓埋香恨百年。我本海陽同病客，余於四月間賦悼亡也。揮清淚哭文仙。

弔陳文仙詞史

江都王惕庵

心如蓮蕊極飄然，無奈霜摧九月天。歌有落花哀永訣，情隨明鏡憶前圓。才人共弔金閨地，少女偏傷碧玉年。莫謂修文無彼美，名傳吳苑慟詩仙。

騷人對剝淚潛然，長住樓頭屢問天。祇恨秋風香已散，翻憎缺月影常圓。名追杜牧頻重憶，夢醒揚州又一年。薄命美人埋玉骨，詩仙今復哭文仙。

弔陳文仙詞史

鄧山林松濤

人影衣香爲惘然，總難鍊石補情天。好花底事寒威逼，缺月何時皎潔圓。憔悴潘郎愁疊疊，淒涼宋子苦年年。迷樓舊址今仍在，可作歸來鶴化仙。

太息美人學作仙，深宵苦坐夜如年。散愁欲捲愁非席，好夢將成夢不圓。惆悵紅顏已黃土，淒涼皓月與蒼天。於今縱有生花筆，欲畫鴛鴦却惘然。

弔陳文仙詞史

受川黃立夫

風雨重陽意黯然，懷人愁對菊花天。情深漫擬秋雲薄，夢斷難隨夜月圓。好事已過如隔世，香魂再返是何年。明知無益空惆悵，可有新圖繪女仙。

悼仙詞

悼仙詞

十八

是緣是孽兩茫然搔首踟躕欲問天燭到灰時空有淚鏡從破後竟難圓回思青眼相逢日忍說紅顏不永年
想見牛郎懷別恨新詞怕唱鵲橋仙

弔陳文仙詞史

吳蕙英女士

琵琶訴怨淚潸然勘破紅塵赴碧天拆散鴛鴦心太忍死生胡蝶夢難圓白楊瘞玉傷千載紅豆思卿已一年
幸有吟壇諸妙士裁雲鏤月奠文仙
嬌姿綽約廣寒仙瀝跡青樓十七年紅粉飄零眉黛蹙青衫溼透淚珠圓悲卿身墮笙歌地累我情傷缺陷天
安得娉皇勤煉補免教塵世苦淒然

弔陳文仙史

吳岫雲女士

橋斷銀河意惘然牛郎難補此情天魂銷喜雀音偏示愁入靈犀夢不圓紅燭有心空墮淚黃金無術買流年
眞真一去今何在惆悵西風吊織仙
茜窗兀坐懔凄然舊事重提缺陷天憔悴青樓命太薄拋來紅豆子難圓鸞鳳泊傷千古鶴唳鶻啼又一年
羨煞白楊墳上樹朝朝暮暮伴文仙

家兄惜春居士有弔陳文仙詞史之詩鳳英以生爲巾幗之身未敢作鬚眉之

事頃讀花月仙妃和章心服不已豈可發女界之光且能立婦言之體也鳳英
自愧畢門荆布圭竇裙釵只知束帶曳柴澣衣被絮耳然而廻文織錦賦雪題
詩者豈非掃眉才人不櫛進士乎聊吟大雅非談老子之空言難擬離騷不想
相如之美譽下哭文仙上呈瘦兄並求仙妃教正

楊鳳英女士稿

絮果蘭因本慘然落花流水總由天莫言黃土香難散但恨青樓夢不圓歌扇舞衫拋去歲哀絲豪竹感流年
題詩吊豔心先碎同在人間作謫仙

楊枝不見最淒然底事無情別樂天蠶至抽絲心血盡蠟雖成炬淚珠同杜鵑埋恨將千古胡蝶含愁近一年
寄語惜春人已瘦從今莫再念文仙

儂與文仙同居蘇城其地同又與文仙同天華年其命同頃過文仙道及瘦人
始知瘦人有弔文仙之詩也靈雨浮雲待月者難觀月色落花流水惜春者未
死春心儂生性含愁以歌當慨詩原訴苦詞愧離騷嗟嗟枉死城昏血污池慘
難至望鄉之臺上長登點鬼之壇中可憐千古白楊誰人弔豔猶幸一坏黃土
有地理香

歐陽桂英女士稿

悼仙詞

二十

白楊村裏草凄然此是人間缺陷天渺渺魂歸流水去紛紛淚落露珠圓羨卿名必傳千古恨我身曾沒五年一樣天亡誰痛惜桂英運不若文仙

儂也心香一瓣然願生塵世莫生天紅顏自古遭磨折皎月於今有缺圓同病方真憐薄命多才最易天華年陰陽遠隔難相見甚悔當時去學仙

外子惜春居士有弔文仙之詩小姑鳳英女士先姊桂英女士皆有和章夫鬼尙肯鍾情況儂本爲薄命多愁易感同病相憐嗟嗟夜月難圓遽使浮雲南北春風太惡忍吹飛絮東西下哭文仙並弔桂英上慰瘦郎卽呈鳳姑

朱嘯雲女士

薄命紅顏本慘然那堪含淚問蒼天悲來欲燕龍涎活悶極聊烹蟹眼圓雲散風流長別日絮飛花落不成年可憐上帝心真狠忍召人間第二仙
長埋苦海甚淒然那得鳩皇補缺天金谷但求花再放玉樓更祝月重圓已歸碧落三千界祇謫紅塵十七年恨煞桂英今不見如何薄命若文仙

重陽風雨菊澹如人菊有病客人無樂思讀湘君瘦公蝶老諸吟壇弔文仙之

作僕本恨人未免惆悵剪燈獨坐湊將俚典演成詩章歌以當哭哭罷復歌偷
亦天涯有同病之儂肯賜片言與塵間癡漢地下美人否飯牛鵠立以待

餘姚戚牧飯牛

文仙彷彿花魁女不愛資財情意長典質釵鈿供搗母飯牛郎是賣油郎
青衫紅袖兩情真同是天涯淪落人倘若泉唐蘇小小姚江公子算鄉親
桐棺薄葬舊羅衣憔悴西樓穆素暉欲度短牆牆未度死生翻蝶各分飛
我愧揚州杜牧之一年一覺斷腸時願卿早上瀟湘閣不與雙成作別離

又弔文仙詞史用飯牛句

丹徒楊鴻年瘦人

遍吟今古牢騷句真個令儂感慨長不是生離便死別豈徒織女與牛郎
從今何處覓真真幸有生綃畫美人惟我題詩非好色祇因蘇小是鄉親
不堪重檢舊時衣含淚揮毫弔素暉報道春歸花落也偷香蜂蝶不來飛
莫怪無情杜牧之揚州夢醒已多時傷心怕至青樓上一折楊枝卽別離

又弔文仙詞史

前人

悼仙詞

悼仙詞

二二

題詩弔豔心，眞痛海誓山盟情。本長一樣脫鞋卿，可慰須知未遇李家郎。
切莫重題楊太眞，馬嵬坡下弔情人。白家太傅歌長恨，從此難聞笑語親。
待到花飄淚滿衣，愧儂無力挽春暉。傷心金谷繁華去，不見當時紫燕飛。
知音已沒甚悲之，猶憶操琴竊聽時。空唱鳳求凰一曲，可憐依舊與鸞離。

又弔文仙詞史集花名

前人

瓊花落盡風光異，玉蕊飛來感慨長。恨煞水仙今不見，如何忍別紫薇郎。
蝴蝶芳魂迷小小，杜鵑血淚哭眞眞。須知虞美人長別，從此牽牛不得親。
楊柳渡頭拋舞衣，桃花隔裏痛斜暉。海棠嬌女長酣睡，菊婢高呼魂已飛。
莫詢蓮姣去何之，但恨梅妻死永離。一段蘭因不堪說，傷心梨夢已醒時。

又弔文仙詞史集聊齋人名

前人

嗟嗟青梅空弄綠，雲難留不逢白于玉之人。那有溫如春之事，珍無雙璧價失。
連城折去蓮花采，來荷葉永異明璫。甚恨娟娘之死，別徒存連瑣可憐神女之
生離

前人

翩跹影隔情難捨，嬋娟魂歸恨本長。慟煞靈仙子，去如何能慰壁人郎。
細柳摧殘心不解，芳蘭折斷事原真。可憐怕至花城玩，那有仙仙與我親。
痴心自古憐秋月，恨事於今無曉暉。但恨海棠容易謝，胭脂從此滿天飛。
良工已沒甚悲之，博士難存總欲離。遺下湘妃人不見，愛卿空有訂盟時。

附弔桂英女士用前韻

前人

卿歸碧落時，何早我在紅塵恨。本長料得前身是，殷氏今生不肯嫁王郎。
已醒元相遊春夢，羞學張郎記會真。不是崔家無恥女，此身難與別人親。
金谷園中長荒草，桃花隱裏有斜暉。秋娘已死唐公在，怕看孤鸞寡鵲飛。
綠鬆勸酒無多日，紅袖添香有幾時。可嘆佳人與才子，若非死別即生離。

弔桂英女士和兄瘦人韻

楊鳳英女士

曇花一現真堪痛，自古紅顏壽不長。幸得相逢同病者，飯牛郎慰瘦腰郎。
不是前身楊太真，如何也作別離人。桂英更比文仙苦，早斷三年笑語親。
清明時節欲更衣，爲上蘇坡待曙暉。且向桃花隱裏望，多情燕子尙來飛。

悼仙詞

悼仙詞

二四

記得今宵夢見之紅樓遺跡憶當時瀟湘妃子終難見天上人間從此離

弔陳文仙詞史

吳山青蟾斧

多情從古能爲累生死難忘此恨長人面春風今不見桃花背地笑崔郎
難得青樓趣味真藍橋相愛畫中人噓寒問暖知心事陌路情淪骨肉親
屋梁月落夢烏衣栩栩芳魂蛺蝶飛回憶天寒雙袖薄獨扶修竹立斜暉
不是微之卽牧之風流倜儻本同時竹西歌吹腸應斷逝水華年泣別離

輓文仙詞史

吳縣嚴寅恭麟虎

白楊墳上白楊樹千古傷心引恨長記得艤舟堤畔日一湖秋水一痴郎
話到生前事最真琵琶一曲可憐人每當紅燭宵深裏欸語殷勤倍覺親
天生弱質不勝衣玉樹臨風燕子飛回憶碧桃花下坐一尊相對話斜暉
芳蹤渺渺去何之花落花開曾幾時石火電光成一夢果然死別勝生離

弔文仙詞史

武進徐銘言仲鸞

玉樓人醉嬌癡甚紅豆雙拋綺恨長半信半疑卿織女何緣天假識牛郎

昔年情事憶真真苦煞吟身奠玉人香塚白楊千古後有誰揮淚哭鄉親
鵲啼鶴唳慟斜暉懊惱春風金縷衣痛絕祭餘錢紙化是魂是蝶是灰飛
瑤琴欲掣復歌之泉下應同腸斷時恨亦情傷天缺陷若非死別卽生離

吊陳仙文詞史

武進徐銘言

芙蓉花好嬌難久妬雨沈香引恨長明月黃昏更漏永秋宵痛絕牽牛郎
笑拈豆蔻愛情真百般嬌癡意倍親一霎情天花粉女匆匆化作凌霄人
西河柳色冷斜暉蔓草風蕤蝶亂飛千古落花生憾事萬年青塚想雲衣
鵲啼血竭痛何之太息令歡未幾時續斷情絲無蝶夢從容自慰莫傷離

吊陳文仙詞史

句容王冠蘭

塵間一霎姻緣短地下千秋日月長才子鍾情美人死銀河路斷悵牛郎
一坏香塚傍眞虎阜西湖雨美人我恨當時慳一面仙姿未許十郎親
清明憑弔淚沾衣野草碑銘照夕暉鵲啼血啼愁聲不斷紙灰胡蝶雨分飛
芳容迴憶一悲之轍轉相思十二時我爲牛郎深嘆息人間天上永分離

悼仙詞

悼仙詞

二六

飯牛猶生文仙已死青衫紅袖天上人間此恨綿綿誰能遣此私衷耿耿人各有私醑酒悲歌韻事都成憾事臨風揮洒墨痕卽是淚痕痛斷愁腸已成雙律乘茲餘興再詠數言

江都漣溪張振勳霸英

偷彈缸淚悲無限休問黃泉路短長靈鵲已歸瑤島去從今不再渡牛郎
償完綺債返仙真喚醒繁華夢裏人春去花殘心已死秋芳縱好不相親
淚痕酒漬溼征衣滿目荒涼對落暉畢竟是歌還是哭子規聲裏血花飛
臨風悵悵欲何之况復珠沈玉碎時腸斷虎邱山下路一抔香土草離離

弔陳文仙詞史

平梁李靖國可亭

綺夢爭如春夢短愁絲翻比柳絲長匆匆一片曇花影腸斷人間李十郎
月梁猶盼夢相親淒絕章臺折柳人縱有百花還命酒也難喚起舊眞眞
孤墳三尺慘斜暉埋玉埋香淚滿衣千百紅顏皆若此可憐化作彩雲飛
鍾情幾輩似微之不願人天有別離金縷衣香零落盡勸君還惜少年時

弔文仙詞史

錢塘許承寶伏民

山盟海誓歸何處此恨絲絲大地長夜雨聞鈴倍酸楚郎當聲似李三郎
夢境迷離可認真又傳逸事到詩人文仙雖死神仙活裴笠風流煙水親
傷心歌扇並歌衣一霎罡風黯曙暉月不常圓花惹妒伯勞東去燕西飛
豔體爭摹杜牧之酒闌燈灺愴當時桂英泉下和同調不管人間有別離

弔陳文仙詞史

許泰仲璠

彩雲易散琉璃脆碧落黃泉惹恨長閒煞碧桃花滿塢春風依舊笑癡郎
青衫紅袖兩情真同是天涯淪落人一自優曇歸極樂高唐祇許夢魂親
拋却歌衫與舞衣芳魂渺共落花飛情天缺陷誰能補搔首蒼茫對夕暉
玉人丰度悵何之愁見黃花風雨時知否塵中相憶苦維摩病骨更支離

弔陳文仙詞史

江寧陶隆儀異人

我亦天涯淪落客偏於兒女最情長翻嫌仙子天台路未遇劉郎帶阮郎
茫茫何處求知已得一青樓與倍長怎說微之成薄倖爲郎憔悴獨羞郎
七夕同盟羨太真如何幻作別離人知君惆悵雙星渡難向長生殿裏親

悼仙詞

悼仙詞

二八

要從地下喚眞眞環珊瑚憶美人此後重陽風雨夜不因佳節獨忘親
飄零白蝶墮羅衣倩女魂離弔夕暉一片桃花蘇小墓憐卿憐我總分飛
也曾顛倒舊裳衣流水高山傍晚暉但惜黃金遲屋貯未教燕燕賦于飛
出門惘惘欲何之最是黃昏悞惱時如願再呼呼不起始知死別甚生離
雲雨高唐信有之牽裾携手定情時憐儂亦有巫山夢同病相憐感別離

弔陳文仙詞史

貴池劉士超立人

飄零紅粉最堪憐歷劫塵寰十七年黃土無情埋碧玉芳魂應返大羅天
金屋藏嬌願已虛良宵寂寂悵何如情天缺陷知多少斷送人間女校書
相思兩地恨絲絲絕楊枝已化煙明月有情悲冷落傷心怕看十分圓
人間難竟返魂香玉碎珠沈惹恨長鱗鱗鵲鵲成底事幾同好夢說黃梁
直須搔首問青天何故名花不永年我與牛郎同一弔短詩和淚哭文仙

悼陳文仙詞史

武唐張一鳳

秋風吹斷此情絲地角天涯永別離雁陣驚寒時又眉聲聲入耳倍酸淒

卿杯半醉喚卿卿恍若情人應我聲飽飯黃昏醉一夢子規啼月叫郎醒

弔陳文仙詞史用張君韻

丹徒楊鴻年瘦人

題詩弔豔淚如絲祇恨陰陽兩界離綠綺雖存何忍鼓知音已沒有餘淒
紅粉飄零我惜卿怕聽杜宇斷腸聲落花早已隨流水從此春婆夢可醒

悼仙詞跋

或曰子悼文仙之詞太多而哭桂英之詩甚少厚彼薄此未免不公棄舊憐新能無有愧不知余哭桂英曾有百哀之詠另編一卷之詩此不過如鳳之一毛麟之隻角耳或又曰文仙爲青樓之妓桂英乃金屋之人詩刻一編名污千古不知桂英與文仙同居碧落共謫紅塵雖爲薄命之花却是無瑕之玉嗟乎桃花隔裏弔歐氏之嬌娥楊柳村中哭陳家之少女是爲跋甲子暮春中浣丹徒楊鴻年秋心撰于吳門悲秋館

蘇州三吳廣告公司

承登各省報章
承印商標廣告
承貼各種傳單
承印各種報紙
承接畫圖打樣
承製銅鐸等版
承銷各種品物

多	繁	目	名
載	細	及	不
顧	惠	荷	如
迎	歡	任	毋

(蘇州觀西大街) (電話八九六)

Σ

120

(31